



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

Luxemburgi, 1740

V. Jubilæum universale initio Pontificatus.

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)

& alia Beneficia quæcumque dicti Hospitalis tam ex ejus institutione, quam ex stabilimentorum prædictorum dispositiones personibus Clericis sæcularibus, & aliis personis, etiam Apostolica auctoritate reservandis gravari non possint, quodque stabilimentis, & privilegiis prædictis, etiam vigore implicitæ derogationis latissime extendendæ, etiam per quascumque literas Apostolicas, & qualvis etiam derogationum derogatorias, efficaciores, & insolitas clausulas derogari non possit, nec derogatum censeatur, nisi derogatio hujusmodi de consilio Cardinalium eorumdem fiat, & tum demum Magistri, & Conventus prædictorum ad id accedat assensus, sintque literæ derogationis hujusmodi etiam per dictum Magistrum subscriptæ, ac illi, & præfato Conventui per diversas in forma Brevis, aut alias literas diversis temporibus cum certis intervallis præsentatas intimatæ, & non alias, nec alio modo, & semper in omnibus, quæ sic fient etiam de simili consilio derogationibus sit apposita clausula, quod illarum effectum fortiantur de consensu Magistri, & Conventus prædictorum, & non alias, nec alio modo, quodque ipsi Exactores, & Appaltatores Decimas, pedagia, & onera hujusmodi, etiam ab exemptis exigere, & illos ad solutionem, seu contributionem cogere, & compellere possint, seu debeant. Quibus omnibus illorum omnium tenores, ac si de verbo ad verbum infererentur præsentibus pro expressis habentes, illis alias in suo robore permanens hac vice dumtaxat in genere, & in specie ad effectum præsentium sufficienter, & expresse derogamus, ac derogatum esse decernimus; quodque vos primam non feceritis in Ecclesia hujusmodi personalem residentiam consuetam, cæterisque contrariis quibuscumque.

Adimplenda
ante usum
Notariatus.

§. 18. Volumus autem quod antequam gratia creationis in nostros, & Sedis Apostolica Notarios vobis, ut supra facta perfrui valeatis, in manibus alienius Personæ in dignitate Ecclesiastica constitutæ professionem fidei juxta articulos pridem a Sede prædicta propostos expresse emittere, & solitum fidelitatis juramentum præstare omnino teneamini.

§. 19. Quodque præsentium transumptis, etiam impressis, manu alicujus Notarii publici subscriptis, & sigillo personæ in dignitate Ecclesiastica constitutæ munitis, eadem prorsus fides ubique adhibeatur in judicio, & extra, quæ adhiberetur ipsis præsentibus, si forent exhibitæ, vel ostensæ.

Præsentis Li-
teræ non suf-
fragantur
Prædecesso-
rum Familia-
ribus.

§. 20. Cæterum volumus pariter, atque decernimus, ut illis ex vobis, quibus similes testandi de bonis, ac pensiones transferendi facultates a Romanis Pontificibus prædecessoribus nostris, quorum respectu etiam familiares, & continui commensales erant, concessæ fuerunt, præsentis literæ quoad facultates testandi de bonis, & transferendi pensiones hujusmodi minime suffragentur.

Datum Romæ apud Sanctam Mariam Majorem sub annulo Piscatoris die XXVI. Maji MDCCXXI. Pontificatus Nostri Anno Primo.

V.

Indicatur Jubilæum Universale initio Pontificatus Sanctitatis Sux.

Huic simile Jubilæum indictum fuit a Clem. XI. Const. ed. 1701., Feb. 25., P. 1. & a Bened. XIII. indictur Const. ed. 1724., Jun. 10., P. 1.

Dat. 27. Maji
1721. An. 1.

INNOCENTIUS PAPA XIII.

Universis Christifidelibus presentes Literas inspecturis Salutem, & Apostolicam Benedictionem.

Exordium a
necessitate
implorandi

Superni dispositione consilii, quo cælestia pariter, & terrestria inscrutabili ratione regun-

tur, ad Supremum Apostolatus fastigium, nullo meritorum suffragio evecti, dum serio consideramus impositi Nobis gravitatem oneris, Angelicis etiam humeris formidandi, cui collum humiliter supponere divinæ voci obsequendi Nos adegit necessitas, viriumque nostrarum infirmitatem, tum luctuosam rerum, & temporum conditionem, quotque, & quam gravissimis Republica Christiana malorum procellis, & calamitatibus conficitur, atque periculis exposita sit, toti contremiscimus, crebraque ex imo corde suspiria, & uberes ex oculis lacrymas fundentes, ad Dominum cum Propheta clamare compellimur: Exaltatus, humiliatus sum, & conturbatus; terrores tui conturbaverunt me; circumdederunt me, sicut aqua tota die, circumdederunt me simul. Ac nisi spes nostra in ipso bonorum omnium Largitore reposita esset, animo plane concideremus; sed quia benignus, & misericors est Deus noster, & propitiatur omnibus invocantibus eum in veritate, nec despicit in opportunitatibus, & tribulatione, eodem Propheta monente: Revela Domino viam tuam, & spera in eo, & ipse faciet, & magis ejus clementiæ, & misericordiæ confidere, quam nostræ imbecillitati diffidere constituimus, cumque nos sufficere non posse sciamus, oculos nostros ad Montem Sanctum suum, montem uberem, Montem pinguem, unde opportunum Nobis ad futurum auxilium, & enixe petimus, & devote speramus. Id ipsum, ut & vos, quibus nostra impendenda est sollicitudo, conjunctis nobiscum precibus faciatis, & divinam, qua agemus opem per jejunia, & elemosynas, aliaque pietatis opera nobis demereri sedulo studeatis, paterne requirimus, & monemus, ut scilicet totius consolationis Deus, cui proprium est infirma mundi eligere, & dextere suæ potentia facere fortia, confirmet, quod operatus est in Nobis, & det Nobis sedium suarum assiducam sapientiam, mittat illam de Cælis sanctis suis, & a sede magnitudinis suæ, ut nobiscum sit, & nobiscum laboret ad Divini nominis gloriam, Ecclesiæque Sanctæ utilitatem, & spirituale omnium fidelium ædificationem, omniaque consilia nostra, & actiones dirigat secundum beneplacitum voluntatis suæ, hereses, & in Religione dissidia extirpet, fidem Catholicam protegat, & propaget, quam mundus dare non potest inter Principes Orthodoxos pacem restituat, eorumque animos fortiter, & suaviter vinciat in vinculo charitatis, dira Epidemicæ luis flagella, quæ non procul ab Italiæ finibus, sicut cum intimo animi nostri dolore accepimus, misere sævire adhuc non cessat, ab iis, quos calamitas tenet, avertat, ab aliis vero, quos tantæ cladis metus, & pavor invasit, pericula propulset, ac nomen Christianum ab Infidelium insidiis, & incurtionibus potentia virtutis suæ tueatur. Hæc autem, ut ferventiori spiritus ardore, majorique fructu fiant, priscum Romanorum Pontificum Prædecessorum nostrorum morem secuti, cælestium munerum thesauros, quorum dispensationem fidei nostræ commisit Divina dignatio, opportuno hoc recurrente tempore, quo Spiritus Sanctus repentino sonitu super Apostolos venit, mentesque carnalium in sui amorem permutavit, & foris apparentibus linguis igneis facta sunt intus corda inflammantia, proferre, & liberali manu erogare decrevimus.

divinum au-
xilium præ-
ferim ob ti-
morem Epi-
demice luis.

Causa Jubi-
læi.

Indictio Ju-
bilæi.

lica Principis Apostolorum ad Ecclesiam Sancti Spiritus in Saxia de eadem Urbe una cum Venerabilibus Fratribus nostris S. R. E. Cardinalibus, necnon Patriarchis, Archiepiscopis, & Episcopis, quos in Romana Curia adesse contigerit, ac Christianorum Regum, & Principum Oratoribus apud Nos existentibus, Prælatibus quoque, & Officialibus ejusdem Curiae, univervoque Clero, & Populo, benedicente Domino agemus, devote interfuerint, vel Sancti Joannis in Laterano, Principis Apostolorum, & S. Mariæ Majoris Ecclesias, seu Basilicas, vel earum aliquam intra spatium ejusdem, vel proximæ subsequenti hebdomadæ saltem semel visitaverint, ibique per aliquod temporis spatium devote, ut supra, Deum oraverint, ac quarta, & sexta feria, ac Sabbato alterius ex præfatis hebdomadis jejunaverint, & peccata sua confessi, Sanctissimum Eucharistiæ Sacramentum in Dominica die immediate sequenti, vel alia die intra eandem hebdomadam reverenter sumpserint, ac pauperibus aliquam elemosynam, prout unicuique suggeret devotio erogaverint. Cæteris vero extra Urbem prædictam ubique degentibus, qui Ecclesias ab Ordinariis locorum, vel eorum Vicariis, seu Officialibus, aut de eorum mandato, & ipsis deficientibus per eos, qui ibi curam Animarum exercent, postquam ad eorum notitiam hæ nostræ pervenerint designandæ, vel Ecclesiarum hujusmodi aliquam spatio duarum similiter hebdomadarum, a publicatione designationis, vel per Ordinarios, vel eorum Vicarios, seu Officiales, vel alios, ut præfertur, faciendæ decursurarum, saltem semel visitaverint, ibique, ut supra, oraverint, ac quarta, & sexta feria, ac Sabbato alterius ex hebdomadis hujusmodi jejunaverint, pariterque peccata sua confessi, ac in die Dominica immediate sequenti, vel alia die intra eandem hebdomadam Sanctissima Communione refecti fuerint, & pauperibus aliquam elemosynam, ut præmittitur, erogaverint, plenissimam omnium peccatorum suorum Indulgentiam, & remissionem, sicut in Anno Jubilæi visitantibus certis Ecclesiis intra, & extra Urbem prædictam concedi consuevit, tenore præsentium concedimus, & largimur.

De existentibus extra Urbem.

De navigantibus, & iter agentibus.

De Regularibus, & legitime impeditis.

De Confessario eligendo, ejusque facultate.

§. 2. Navigantes vero, & iter agentes, ut cum primum ad sua sese domicilia receperint, supra scriptis peractis, & visitata Ecclesia Cathedrali, vel majori, aut Parochiali loci eorum domicilii, eandem Indulgentiam consequi possint, & valeant: Regularibus autem personis utriusque sexus, etiam in claustris perpetuo degentibus, necnon aliis quibuscumque tam laicis, quam Ecclesiasticis Sæcularibus, vel Regularibus, etiam in carcere, aut captivitate existentibus, vel aliqua Corporis infirmitate, seu alio quocumque impedimento, detentis, qui supra expressa, vel eorum aliqua præstare nequiverint, ut illa Confessarius ex jam approbata a locorum Ordinariis ante præsentium publicationem, seu approbandis, eis in alia pietatis opera, commutare, vel in aliud proximum tempus prorogare possit, eaque injungere, quæ ipsi pœnitentes efficere poterunt pariter concedimus, & indulgemus.

§. 3. Insuper omnibus, & singulis Christianis utriusque sexus, tam laicis quam Ecclesiasticis, Sæcularibus, & Regularibus, cujusvis Ordinis, & Congregationis, & Instituti tam in Urbe præfata, quam extra eam ubique locorum, ut præfertur, degentibus, licentiam concedimus, & facultatem, ut sibi ad hunc effectum eligere possint quemcumque Presbyterum Confessarium, tam Sæcularem, quam cujusvis Ordinis, & Instituti regularem ex approbatis, ut præmittitur, a locorum Ordinariis, qui eos ab excommunicationis, suspensionis, & aliis Ecclesiasticis Sententiis, & Censuris a jure, vel ab homine, quavis causa latis, seu inflatis, necnon ab

omnibus peccatis, excessibus, criminibus, & delictis quantumvis gravibus, & enormibus, etiam locorum Ordinariis, sive Nobis, & Sedi Apostolicæ, etiam in literis die Cœnæ Domini legi solitis contentis, & alias per quascumque nostras, aut Romanorum Pontificum prædecessorum nostrorum Constitutiones, quarum tenores præsentibus haberi volumus pro expressis, quomodocumque reservatis in foro conscientiae, & hac vice tantum absolvere, & liberare valeant, & insuper vota quæcumque (Religionis, & castitatis exceptis) in alia pia, & salutaria opera commutare, injuncta tamen eis, & eorum cuilibet in supradictis omnibus casibus penitentia salutari, aliaque ejusdem Confessarii arbitrio injungendis.

§. 4. Quapropter tenore præsentium in virtute Sanctæ Obedientiæ districtè præcipimus, atque mandamus omnibus, & quibuscumque Venerabilibus Fratribus, Patriarchis, Archiepiscopis, Episcopis, & aliis Ecclesiarum Prælatibus, & quibuscumque Ordinariis locorum, ubicumque existentibus, eorumque Vicariis, & Officialibus, vel iis deficientibus, illis, qui curam Animarum exercent, ut cum præsentium literarum transumpta, aut exempla, etiam impressa, acceperint, illa statim absque ulla mora, retardatione, vel impedimento per suas Ecclesias, & Dioceses, Provincias, Civitates, Oppida, Terras, & loca publicent, & publicari faciant, Ecclesiamque, seu Ecclesias visitandas designent.

§. 5. Non intendimus autem per præsentibus super aliqua irregularitate publica, vel occulta, nota, defectu, incapacitate, seu inhabilitate quoquo modo contracta dispensare, vel aliquam facultatem tribuere dispensandi, seu habilitandi, & in pristinum statum restituendi, etiam in foro conscientiae, neque etiam easdem præsentibus iis, qui a Nobis, & Apostolica Sede, vel ab aliquo Præfato, seu Judice Ecclesiastico Excommunicati, suspensi, interdicti, seu alias in Sententiis, & Censuris, incidisse declarati, vel publice denunciati fuerint, nisi intra tempus dictarum duarum hebdomadarum satisfecerint, aut cum partibus concordaverint, ullo modo suffragari posse, aut debere.

§. 6. Non obstantibus Constitutionibus, & Ordinationibus Apostolicis, præsertim, quibus facultas absolvendi in certis tunc expressis casibus, ita Romano Pontifici pro tempore existentis reservatur, ut nec etiam similes, vel dissimiles Indulgentiarum, & facultatum hujusmodi concessiones, nisi de illis expressa mentio, aut specialis derogatio fiat, cuiquam suffragari queant, necnon Regula nostra de non concedendis Indulgentiis ad instar, ac quorumcumque Ordinum, & Congregationum, sive Institutorum Regularibus, etiam Juramento, confirmatione Apostolica, vel quavis firmitate alia roboratis Statutis, & consuetudinibus; privilegiis quoque, Indultis, & literis Apostolicis ejusdem Ordinis, Congregationibus, & Instituti, illorumque personis quomodolibet concessis, approbatis, & innovatis. Quibus omnibus, & singulis, etiam si de illis, eorumque totis tenoribus specialis, specifica, expressa, & individua, non autem per Clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, illorum tenores præsentibus pro sufficienter expressis, ac formam in eis traditam pro servata habentes, hac vice specialiter, nominatim, & expresse, ad effectum præmissorum, derogamus, cæterisque contrariis quibuscumque.

§. 7. Ut autem præsentibus nostræ, quæ ad singula loca deferri non possunt ad omnium notitiam facilius deveniant, volumus, ut earumdem præsentium transumptis, vel exemplis etiam

De publicatione Jubilæi.

De casibus reservatis.

Clausula.

impre-

impresſis manu alicujus Notarii publici ſubſcriptis, & ſigillo perſonæ in Eccleſiaſtica dignitate conſtituta munitis, ubique locorum, & Gentium eadem prorsus fides habeatur, quæ haberetur iſſis præſentibus, ſi forent exhibitæ, vel offenſæ.

Datum Romæ apud S. Mariam Majorem ſub Annulo Piſcat. die XXVII. Maji MDCCXXI. Pontificatus Noſtri Anno Primo.

VI.

Mandatur continuatio Viſitationis Apoſtolicæ Eccleſiarum, & Locorum piorum Urbis.

Hujusmodi Viſitatio inſtituta ſuit ab Inn. XII. Conſtit. ed. 1693., Jan. 11., P. 2. Et continuata a Clem. XI. Conſtit. ed. 1701. Jan. 14., P. 1. a Benedicte XIII. iterum præcipitur ejus continuatio Conſtit. ed. 1724., Jul. 15. P. 1.

Dat. 28. Maji 1721. An. 1.

INNOCENTIUS PAPA XIII.

Ad futuram rei memoriam.

Referatur inſtitutio, & continuatio d. Viſitationis.

CUM felic. record. Innocentius Papa XII. Prædeceſſor Noſter circa Pontificatus ſui primordia paſtoralem Cleri Romani, omniumque Almæ hujus Urbis Eccleſiarum, piorumque locorum, & operum viſitationem inſtituerit, eamque ipſemet in Patriarchalibus ejusdem Urbis Eccleſiis inchoaverit, ac ſibi in eo munere Adjutores nonnullos ex Sacro Venerabilium Fratrum noſtrorum tunc ſuorum S. R. E. Cardinalium Collegio delegerit, & aſſumpſerit, eisque quosdam Romanæ Curie Prælatos, & alios ſubinde Cardinales adjunxerit, qui viſitationem ipſam peragerent, & negotia illam concernentia expedirent; ac Secretarium, Judicem, Cancellarium, ſeu Actuarium Commiſſarium, & Fiſcalem, alioſque forſan Officiales, & Miniſtros Sacræ Viſitationis hujusmodi deputaverit, variaſque eiſdem Cardinalibus, ac eorum, & dictorum Prælatorum Congregationi, necnon Officialibus, & Miniſtris prædictis facultates, præminentias, & indulta conceſſerit, & impartitus fuerit, & alias prout in diverſis ipſius Innocentii Prædeceſſoris Literis deſuper in ſimili forma Brevis expeditis, quarum tenores præſentibus pro plene, & ſufficienter expreſſis, ac de verbo ad verbum inſerit haberi volumus, uberius continetur. Et ſicut accepimus memorati quidem Cardinales, Viſitatores una cum Prælatiſ Coadjutoribus etiam piæ mem. Clementis Papæ XI. Prædeceſſoris Noſtri juſſu viſitationem hujusmodi, tam in eiſdem Patriarchalibus, quam in aliis Collegiatis, & fere omnibus Parochialibus Eccleſiis, ac in multis Monaſteriis Regularium tam virorum quam mulierum, necnon Collegiis, Hoſpitalibus, Confraternitatibus, & aliis locis piis dictæ Urbis poſtea proſecuti fuerint, ſalutaribusque monitis, & Decretis, ubi opus fuerit providerint; Viſitatio tamen ipſa in omnibus Eccleſiis, ac locis, & Operibus piis prædictis nondum ſit peracta, ſed multa negotia eam concernentia, adhuc pendeant indeciſa; Hinc eſt, quod Nos paſtorali ſtudio conſiderantes quantopere viſitatio hujusmodi utilis, & neceſſaria ſit, non modo ad tollendos abuſus, ſed etiam ad præcavendum, ne deinceps introducantur, quantumque boni ex illa hæcenus provenerit, & benedicente Domino proventurum ſit, ſi Viſitatio ipſa continuetur, & abſolvatur, ac in ea, quæ ad Dei cultum, & gloriam, animarumque ſalutem opportuna, & conducibilia ſunt, ſicut hæcenus factum eſt in poſterum quoque pie prudenterque ſtatuantur; Motu proprio, ac ex certa ſcientia, & matura deliberatione noſtris, deque Apoſtolicæ pote-

ſtatis plenitudine, memoratam viſitationem continuari, & abſolvi; cauſasque indeciſas in Congregatione prædicta pendentes, prout æquitate, atque Juſtitie ratio ſuaſerit, terminari, viſitationes particularium Eccleſiarum, ac locorum, & Operum piorum jam inchoatas abſolvi, necnon Eccleſias, ac loca, & opera pia tam hucusque viſitata, quæ iteratam viſitationem expoſcere videbuntur, quam nondum viſitata viſitari, cæteraque omnia, & ſingula viſitationem hujusmodi concernentia fieri, geri, ſtatu, & ordinari, ac executioni demandari debere tenore præſentium decernimus, & mandamus. Ac omnes, & ſingulas facultates, privilegia, gratias, præminentias, prærogativas, & Indulta quacumque prædictis Cardinalibus, & Prælatiſ, eorumque Congregationi, necnon omnibus, & ſingulis Officialibus, & Miniſtris ſupradictis a memoratis Innocentio, & Clemente Prædeceſſoribus per ſuas reſpective Literas deſuper emanatas quovis modo reſpective conceſſa, & attributa per obitum eorumdem Prædeceſſorum minime ceſſaſſe, ſed in ſuis robore, & firmitate permanere, omnibusque, & ſingulis prædictis reſpective adhuc competere, & ſuffragari debere, decernimus pariter, & declaramus. Et quatenus opus ſit, facultates, privilegia, gratias, præminentias, prærogativas, & Indulta hujusmodi eiſdem Cardinalibus, & Prælatiſ, eorumque Congregationi, ac officialibus, & Miniſtris prædictis in omnibus, & per omnia, prout eis reſpective a ſupradictis Innocentio, & Clemente Prædeceſſoribus conceſſa, & attributa fuerunt, motu, ſcientia, deliberatione, & poteſtatis plenitudine paribus denuo concedimus, tribuimus, & impartimur.

§. 1. Decernentes eaſdem præſentes literas & in eis contenta quacumque etiam ex eo, quod quicumque in præmiſſis, ſeu eorum aliqui intereſſe habentes, ſeu habere quomodolibet prætendentes cuiuſcumque ſtatus, gradus, Ordinis, & præminentie, & dignitatis exiſtant, etiam Cardinalatus honore fulgentes, aut alias ſpecifica, & individua mentione, & expreſſione digni illis non conſenſerint, nec ad ea vocati, citati, & auditi, neque cauſæ, propter quas præſentes emanarunt adductæ, verificatæ, vel juſtificatæ fuerint, aut ex alia quacumque quantumvis juſta, pia, & privilegiata cauſa, colore, prætextu, & capite, etiam in corpore Juris clauſo, etiam enormis, enormiſſimæ, & totalis læſionis, nullo unquam tempore de ſubreptionis, vel obreptionis, aut nullitatis vitio, ſeu intentionis noſtræ, aut intereſſe habentium conſenſus, aliove quolibet, etiam quantumvis magno & ſubſtantiali, individuaque expreſſionem requirente defectu notari, impugnari, invalidari, infringi, retractari, ad terminos juris reduci, ſeu in controverſiam vocari, aut adverſus illas aperitionis oris, reſtitutionis in integrum, aliudve quodcumque Juris, facti, vel gratiæ remedium impetrari, vel intentari: ſeu impetrato, aut etiam motu, ſcientia, & poteſtatis plenitudine paribus conceſſo, vel emanato quempiam in judicio, vel extra illud uti, ſeu ſe juvare poſſe, ſed ipſas præſentes Literas firmas, validas, & efficaces exiſtere, & fore, ſuoſque plenarios, & integros effectus ſortiri, & obtinere, ac illis, ad quos ſpectat, & ſpectabit in futurum pleniffime ſuffragari, & ab eis reſpective inviolabiliter obſervari, ſicque & non aliter in præmiſſis per quocumque Judices Ordinarios, & Delegatos, etiam Cauſarum Palatii Apoſtoli. Auditores, necnon ejusdem Sanctæ Romana Eccleſiæ Cardinales de Latere Legatos, ac alios quoslibet quacumque præminentia, & poteſtate fungentes, & ſuncturos, ſublata eis, & eorum cuilibet quavis aliter judicandi, & interpretandi facultate, & autoritate judicari, & di-

cum nova conceſſione facultatum Congregationi facta.

Clauſulæ.

Cauſæ novæ continuationis præd. Viſitationis.

Mandatum continuandæ Viſitationis.